

lazio interfuerunt testes rogati. Et ego Petrus Notarius sacri Palatii interfui, & iussu omnium suprascriptarum dominarum hoc scripsi & tradidi inferius de domo.

*Concessio Emphiteutica cuiusdam vineæ facta a Bonafortuna Abbatisa monasterii S. M. de Aq. Ex Tab. ejusd. Mon.*

39

MCC.

Anno ab Incarnatione Jesu Christi MCC., indict. III. In loco Aquis ante fores Ecclesie sancte Marie de Campis die Veneris Kalendis septembris. Presentibus & consentientibus Domina Alamandra, Sibilia, & Cilia Sanctimonialibus, & sororibus. Domina Bonafortuna Abbatisa ejusdem monasterii sancte Marie investivit Joannem, & Henricum quondam Guttelini de Melaz in se, & suos masculos, & feminas de quadam vinea juris ipsius monasterii jacente in territorio Melazii appellata Caputratris. Cui coherent Bejanorum, Treuntorum, illorum de Rocha, tali conditione quod quecumque Abbatisa, vel aliqua monacharum prefati monasterii ultra Padum fuerit itura, unus eorum secum ire tenetur. Et pro hac quidem investitura memorata Abbatisa confesssa fuit se recepisse infra scriptis Joanni, & Henrico denarior. bonorum papiensium decem solidos facientibus ei fidelitatem. Ibi interfuerunt testes Petrus Lucio, Henricus Scaionus, Guilelmus Ufanne, Restanus, Crista. Ego Matheus palatinus Notarius interfui, & inde rogatus hanc cartam scripsi.

*Concessio Emphiteutica domus ad monasterium S. M. spectantis. Ex Tabul. ejusd. Mon.*

40

MCCVII.

Anno ab Incarnatione Christi millesimo ducentesimo sexto, indictione nona Aquis apud monasterium Monacharum die lune XIII. mensis novembris presentibus testibus Petro Lucio, Joanne de Montechuer, Nicolao Dominici, Uberto Rodini, & Aquideo Magne, Joanna Bonaventura ipsius monasterii Abbatisa ad consensum Helene, Sibilie, Cilie, Alaxie, & Alamandre presentium acceptis XX. sol. den. bon. pap. pro investituris ab Otone Guercio dedit ei, & per se, & suos heredes legitimos investivit, & per Tabitam uxorem ejus, dum vixerit, domum ipsius monasterii de Burgo Aquis in vico de puteo, quam tenebat Guilelmus Birrie, & solvere inde debeat monasterio omni anno Natale domini X. sol. pap. &c. unde rogaverunt binas cartas unius tenoris fieri divisas per alphabetum. Ego Matheus Notarius pal. ecc.

41

MCCX.

MCCX. XXIII. Aprilis Mediolani Diploma Ottonis IV. Imper. monasterio S. Ambrosii. Inter testes legitur: Ugo Episcopus Alexandrinus & Aquarum. P. Aresi in serie Abbatum monasterii S. Ambrosii.

*Præceptum Gerardi Elec. Novar., & Papæ legati latum Ministris S. Mariæ, & S. Michaelis, ut visitent hasce Ecclesias, & cogant Monachas de Zebedo, ut Abbatissæ S. M. pareant. Ex Tabul. Mon.*

MCCX.

42

Anno Dominice Incarnationis millesimo ducentesimo decimo, indictione decimatertia die Veneris viceximonono mensis octobris. In Ecclesia sancti Michaelis de Zebeis presente domino Arnaldo Aquensis Ecclesie Canonico, Magistro Henrico de Aquis, Ugone Clerico de Frascarolo, Oberto de eodem loco, & Rufino de Moro testibus. D. Benzo Prior Sancte Marie de Campis, & D. Wilielmus Prior Sancte Marie de Bulego a domino Girardo Novariensi electo & domini Pape in Lombardia provifore generali dati Visitatores infra scripte Ecclesie S. Michaelis, secundum quod in commissione eis inde facta continetur, tenor cujus talis est. G., Dei gratia Novariensis electus & domini Pape in Lombardia legatus dilectis in Christo filiis Prioribus Beate Marie de Campis de Gamundio B. & Wilelmo S. Marie de Bule salutem in Domino. De probitatis vestre discretionem plenius confidentes visitationem Ecclesie S. Michaelis de Cebeze vobis duximus committendam auctoritate Apostolica, qua fungimur districte precipiendo mandantes, quatenus ad eandem Ecclesiam accedentes Abbatisa Aquensis monasterii de Campis evocata, cui Ecclesia ipsius subesse dicitur nullo mediante, corrigatis, que videritis corrigenda, & statuatis que ibi fuerint statuenda, contradictores censura Ecclesiastica coercentes, præterea si monachas ipsius Ecclesie inobedientes jam dicte Abbatisse inveneritis extitisse, ipsas de inobedientia puniatis animadversione condigna. Super facto obedientie taliter pronunciarunt, quia ob professionem vestram videlicet D. Sibilie, Priorisse, Helene, Audeille, & Matelde sub jurejurando factam cognovimus manifeste memoratas Ecclesias S. Michaelis Aquensi monasterio S. Marie nullo mediante subesse, & Abbatisse ejusdem monasterii obedientia teneri, vobis suprascriptis monachabus auctoritate qua fungimur, districte precipimus, ut de cetero memorate Abbatisse & succedentibus ejus obediatis humiliter & devote, alioquin ab hac ora in antea nullum presumatis officium celebrare. Unde isti Priores & Visitatores hanc cartam fieri rogaverunt ut supra. Ego Ogerius Notarius palatinus interfui, & hanc cartam scripsi.

*Literæ procurationis commissæ ab Abbatissa monasterii S. M. de Aq. Archipresb. de Meladio in causa adversus Mon. S. Michael. Ex Tab. ejusd.*

MCCX.

43

Anno Dominice Nativitatis MCCX., indic. XIII. die Dominico XXI. mensis novembris. Ante Ecclesiam sancte Marie de Campis presentibus vocatis & rogatis Belengerio fratre Manfredi, Buratello, Wilelmo Pellicia, & Obertino Domino, Bo-